

فرسان صلة الرحم | الحلقة (80) | #فرسان_العشر | د. حازم

شومان

حازم شومان

اكبر الله اكبر لا اله الا السلام عليكم ورحمة الله وبركاته. الحمد لله كفى وصلاة وسلاما على عباده الذين اصطفى. الله اكبر الله اكبر الله اكبر. لا اله الا الله. الله اكبر. الله اكبر - 00:00:00

ولله الحمد كل عام وانتم بخير يا جماعة. كل سنة وانتم طيبين. عساكم من عواده. عيدكم مبارك. كل عام وانتم بخير. اهل الخليج واهل مصر واهل الشام واهل الدنيا كلها وحتى المسلمين الجدد في امريكا واوروبا مش ناسيينهم والله يا جماعة. هابي فيس عيد مبارك ان شاء الله على الدنيا كلها. حبايبنا وقرابيننا واهالينا - 00:00:20

وكل مسلم على وجه الكرة الارضية. الله اكبر الله اكبر الله اكبر. لا اله الا الله. الله اكبر الله اكبر ولله الحمد. احنا دلوقتي في اخطر تمانية واربعين ساعة في التلتمية خمسة وستين يوم. افضل الايام عند الله يوم النحر اللي هو كان النهاردة. ثم يوم القرن اللي هو بكرة. احنا الوقتي في افضل - 00:00:40

تمانية واربعين ساعة يا جماعة. وعشان كده النهاردة هاتكلم في اهم موضوع نتكلم فيه في العيد واطر موضوع ننهي به سلسلة فرسان العشر. موضوع ايه تتوقعوا موضوع ايه؟ قبل ما اقول لكم موضوع ايه؟ انا عايز اسأل يا جماعة احنا وصلنا لفين؟ المجتمع بتاعنا اللي احنا عايشين فيه وصلنا لفين؟ لما نقرا حادثة عن طفل ماسك موبايل في ايده يبجي - 00:01:00

يسرقوه يقطعوا له صوابع ايده. يقطعوا له صوابع ايده عشان ياخدوا المحمول من طفل. تخيلوا يا جماعة احنا وصلنا لفين؟ لما يبجي جريمة من الجرائم تتزبط في مطار طفل جاي ميت وجايين بيرجعوه بلده جايين متكفن وجايين يرجعوه بلده يدفن في بلده. وهم في المطار يعني يعني بطريقة ما يكشفوا على الطفل يفاجئوا انه - 00:01:20

طفل بطنه كلها مشقوقة ومتخيطة وانه طفل اصلا اتقتل عشان يتحشى مخدرات من جوة عشان المخدرات يهربوها ويدخلوها في البلد. احنا وصلنا لفين يا جماعة الى اي مدى؟ الى اي مدى وانا جاي في الطريق - 00:01:40

شفت منزر يوقف شعر الراس يرجو في قلب اي انسان. لقيت واحد نزل من العربية راجل كبير وجهه على ست كبيرة ست بسيطة وماشية كبيرة. وقام لطشها حطة قلم احنا كنا كلنا هنتجن. يعني بعض الناس جروا عليه يشوفوا ده ايه ده! ده ده عملت فيه حاجة ما حصلش اي حاجة. ده هو كان هيدوسها تقريبا. هي بس يعني ايه بتحاول ترد عليه - 00:01:54

ضرب الالم. بعض الناس جت تدافع عنها. امرأة وبتضرب في الشارع. من واحد جت تدافع عنها. ابنه اللي معه في العربية قام رايح جايب مسدس طبنجة وجاي يصوبها على الناس. عايز يموت اللي سبحان الملك! احنا وصلنا لفين يا جماعة! انا قلت يا ربي امال اللي بيحصل في فلسطين! ده افعال اليهود! احنا بقى وسطنا ناس زي اليهود - 00:02:14

بقى حوالينا ناس زي اليهود عايشين وسطنا بقت المنزر اللي احنا بنشوفه ده اعتداء على امرأة واللي يبجي يدافع عنها يضرب بالنار ده الكلام ده عند اليهود في فلسطين مش موجود عندنا يا اخوانا. الى اي مدى وصلنا؟ الى اي مدى وانا جاي في المجتمع بتاعنا يا جماعة؟ الوقت الموضوع اللي انا عايز اتكلم عنه النهاردة صلة الرحم - 00:02:34

الروابط ما بين اهل الرحم وبعضهم. ما بين اهل الاسر وبعضهم. يا جماعة قطع الرحم. انا عايز اهجم الليلة على قطع الرحم. اللي بقى له خمس سنين. ما شافش عمة من عماته - 00:02:54

اللي بقى له عشر سنين ما شفش خالة من خالاته. اللي طول عمره ما يعرفش حد من قرابه ولا كلمه ولا في اي اتصال بينهم. ولا في اي شيع بينهم. واحد هيقول ده ظلموني ده بهدلوني - [00:03:04](#)

انت قاطع وهم قاطع للرحم. ده قاطع وده قاطع للرحم. هو عشان قاطعك تقطعه انت عشان زلمك تقطعه انت ده قاطع وده قاطع. يا جماعة قاطع الرحم من اخطر الذنوب ما من ذنب اجدر عند الله. ان يعجل له العقوبة في الدنيا. مع ما يدخره في الآخرة - [00:03:14](#)

ما فيش زنب ربنا بيعجل عقوبته في الدنيا. غير اللي متعان في الآخرة من البغي وقطيعة الرحم. موضوع خطير جدا. موضوع في غاية الخطورة. اه انا انا ما عدتش عارف - [00:03:34](#)

اخويا انا ما عدش فيه علاقة بيني وبين اختي. طب ليه يا جماعة؟ كل ده ده بيحسدني. يا اخي قل الازكار. ده بيكرهني يا اخي وانت عملت ايه؟ عشان يحبك ولا اولادك ولا اولاده يحبوك. عايزين نقف وقفة - [00:03:44](#)

خطيرة جدا يا جماعة. مع صلة الرحم واهمية صلة الرحم. وافتكرو الموقف اللي هزني من حوالي اربع سنين. لما كنت مخلص درس في المسجد وخارج من الدرس فلقيت واحد بيسلم علي - [00:03:54](#)

بيقول لي انت مش فاكركني فبابص له كده فبقول له انا انا انا شفتك قبل كده استنى انا هاقول لك هنا ما تقولش انت. فهو واقف بيضحك. فبيقول لي ما انتاش فاكركني فبقول له انا - [00:04:04](#)

انا شفتك فين؟ انا شفتك فين؟ احنا كنا زمان. فيه بنتقابل مع بعض. قال لي ده انا ابن عمك. ابن عمي يا جماعة وسنين طويلة ما نعرفش بعض. وسنين طويل - [00:04:14](#)

ما شوفناش بعض لدرجة ان انا خارج من الدرس. ناس ابن عم قريبي. سبحان الملك الجليل. يعني واقفة. احنا بنكلم الناس عن ايه؟ صلاة وصوم وذكر وقيام ليل الكلام ده اولي. الكلام ده اهم عند ربنا - [00:04:24](#)

الكلام ده اعظم عند ربنا سبحانه وتعالى. لما رسول الله صلى الله عليه وسلم جا له الملك في غار حراء وجرى على السيدة خديجة بيرتجف بيرتعش بترتعد فرائسه بيقول لها ذملوني. ذملوني الحقوني. قالت كلا والله - [00:04:34](#)

اله يخزيك الله ابدًا. لا يمكن ربنا يسيبك ليه؟ اول حاجة قالتها ايه؟ انك لتصل الرحم. انت بتصل الرحم ربنا لا يمكن يسيب اللي بيصل الرحم. ربنا لا يمكن يخزي اللي بيصل الرحم لا يمكن. يا جماعة سيدنا ابو بكر الصديق لما بنته السيدة عائشة زوجة رسول الله. بعض الناس ولغوا في عرضها واتهموها في - [00:04:49](#)

واتهموها بالزنا وفضلوا ليل نهار يتكلموا في المجتمع اذ تلقونه بالسنتكم. السيدة عائشة اول ما عرفت الناس بيقول عليها كده ارتجفت ووقعت مغشية عليها وبعد كده اخذتها الحمى واخذت ترتعد. وبعد كده استأذنت من الرسول عليه الصلاة والسلام راحت عند بيت ابوها سيدنا ابو بكر الصديق. فضلت تبكي لغاية ما قالت حتى ظننت ان البكاء - [00:05:09](#)

فالكبدي لغاية ما البكاء كان هيفتت كبدها. وابوها بيقول والله ما حدث لنا هذا. في الجاهلية افترضى به في الاسلام! تخيل انت شعور اب بنته بتتهم بالزنا. وبنته مين؟ ده زوجة رسول الله صلى الله عليه وسلم. يعني مصيبة في الدين وفي الدنيا. المجتمع بيلف حوالين نفسه شهر كامل. ما هوش عارف يعمل ايه - [00:05:29](#)

في اللقطة اللي فاتت والناس ماشية بعض الناس ماشية تتكلم ليل نهار على السيدة عائشة. كان منهم واحد اسمه مصطح ابن اثاثة. مصطح ابن اساتذة كان مسكين وكان قريب سيدنا ابو بكر الصديق - [00:05:49](#)

مصطح ابن قوته كان سيدنا ابو بكر بيديه معونة شهرية. كفالة شهرية كفالة يا جماعة. لما ربنا نزل براءة السيدة عائشة سيدنا ابو بكر قطع شهرية. هدي مرتب شهري لمين؟ لواحد يعني عمل كل التشبيع ده على بنتي انا وعلى زوجة رسول الله صلى الله عليه وسلم لا يمكن ادي له. فنزل قول الله - [00:05:59](#)

ولا يأتلي منكم اولو الفضل ولا يأتلي اولو الفضل والسعة منكم. ان يؤتوا اولي القربى. يا رب يا رب ده ده بنتي اولي القربة قريبي. مهما زلمك مهما عمل فيك. ازاي؟ قريبي رحم يا جماعة. عايزين الليلة نعرف يعني ايه رحم. يعني ايه - [00:06:19](#)

صلة رحم يعني ايه ربنا سبحانه وتعالى ينزل اية زي داهية في حق مسطح ابن اساتة لما سيدنا ابو بكر الصديق كان يقطع عنه

المعونة؟ لا المؤمن ما يقطعش رحمه ابدأ - 00:06:36

ديت بتاعة طلاب الجنة. السلسلة دي مش هيقدر يقدر اللي فيها وينفذه ويستمر عليه غير طلاب الفرار من النار. رسول الله صلى الله عليه وسلم لما فتح مكة عليه الصلاة والسلام. قرايبه والناس كلها قرايبه جايين يقولوا له فيقول لهم ماذا تظنون اني فاعل بكم؟

تظنوا ان انا اعمل لكم ايه؟ بعد ما رميته صلاة الجزور علي في صحن الكعبة - 00:06:46

تزنوا ايه؟ بعد ما حاولتم تقتلونني مرة في صحن الكعبة وخنقتوني ووقفت مكة تضحك على النبي عليه الصلاة والسلام وتشاور عليه.

فظنوني ان انا فاعل بكم ايه؟ بعد ما طردتوني من مكة - 00:07:06

ورحت الطائف طردوني من الطائف ورجعت لا عارف ادخل بلدي تاني ولا عارف ارجع مكان تاني. وفضلت محتامي في غار لغاية ما

واحد من المشركين اجارني. تظنون ان انا في واحد بكم ايه - 00:07:16

بعد عام الحزن واللي انتم وريته لي فيه. والتلاتاش سنة ليل نهار ايداء وتعذيب واذى. وشتم واعتداء. تظنون ان انا فاعل بكم ايه؟ ماذا تظنون اني اهلًا بكم فقالوا اخ كريم وابن اخ كريم. بدأوا يدخلوه من سكة الرحم. اذهبوا فانتم الطلقاء. شايفين النبي عليه الصلاة

والسلام؟ شايفين بر النبي وصلة النبي عليه الصلاة - 00:07:26

الصلاة والسلام. يا جماعة ابو طلحة كان اغنى واحد في المدينة المنورة. تخيل اغنى واحد مسلا في مصر. عنده كم مليار مسلا؟ اغنى

واحد في المدينة المنورة. كان عنده جنيئة - 00:07:46

بستان قدام مسجد النبي عليه الصلاة والسلام. انا عايزك تركز من الكلمة دي اوي. قدام مسجد ايه؟ النبي يا اللي سافرت العمرة

والحج. قدام مسجد النبي، ده الارض فيه بكام الوقتي. ده الارض فيه بمليارات - 00:07:56

يا جماعة مش في ملايين اصلا. ما لهاش قيمة ما ينفعش تقدر. الارض قدام مسجد النبي عليه الصلاة والسلام كان جنيئة اسمها بيروحاء. بيروحاء. فلما نزل قول الله لن تنالوا البر حتى تنفقوا مما تحبون. رح لرسول الله صلى الله عليه وسلم. قال له يا رسول الله

انا خلاص انا وهبت دي. دي احب ما لي الي. انا وهبتها لله. مين فينا بيعمل كده الوقتي يا جماعة - 00:08:06

مين فينا راجل غني يطلع حطة ارض لله؟ يطلع دورين في برج بينيه لله. يطلع نص مليون جنيه من رصيده لله. مين يا جماعة؟

مين؟ لن تنالوا البر حتى تنفقوا مما تحبون. فقال له رسول الله صلى الله عليه وسلم - 00:08:26

اجعلها في قرابتك خليفها في قرايبك يا رسول الله. يا رسول الله ده حطة ارض تمنها رهيب. يا جماعة انتم عارفين الارض دي دلوقت

مكانها ايه؟ يعني ممكن يكون مكانها مسلا الهيلتون - 00:08:41

اللي في وش مسجد النبي عليه الصلاة والسلام. ممكن يكون فيها برج من الابراج المهولة اللي في وش الحرم المدني. انتم متخيلين

يعني ايه الارض دي تمنها ايه؟ ويديها قرايبه ويوزعوا على قرايبه ايه يعني؟ ايه لو ادبت لابن اخوك شقة في العمارة بتاعتك؟ ايه

يعني يا اخي لو ادبت حطة ارض لاختاتك وقسمتها بينهم دي هدية منك لهم ووصل من ايه يعني - 00:08:51

يا جماعة ايه يعني يا جماعة يا جماعة احنا احنا باقول لكم الكلام ده مش هيقدر قيمته غير طلاب الجنة والله العظيم. اما يبقى ناس

قرايب الواحد بيشوف ناس سواء في عيلته برة عيلته في الدنيا كلها - 00:09:11

ناس اغنياء جدا جدا وناس فقرا جدا. وجنب بعض وجيران وقرايب واحباب وكل وده لا يرحم ده. ازاى وصلنا لهذه الدرجة؟

طلاب الجنة ما كانوا كده. اللي عايزين الجنة ما كانوا كده. الصحابة والسلف وسلف الامة ما كانوا كده. اللي عايز الجنة والله

ممكن واحد يقعد يقول هو الراجل ده بيقول ايه؟ هو ادي حطة - 00:09:21

ارض هو ده عقلي ده ان انا اطلع حطة ارض لقرايبي! هي الدنيا قاعد فيها الكلام ده! هو عاد حد يعرف حد! اللي عايز الجنة بيعمل اي

حاجة! اللي عايز الجنة بيطلع اي حاجة - 00:09:41

طلحة ابن عبيد الله من العشرة المبشرين بالجنة. جا له واحد يسأله برحم من رحمه. يعني لوقا بقراية من قرابته. ادى له حطة ارض

تمنها تلتيمت الف دينار. عثمان ابن عفان كان عارض عليه فيها تلتيمت الف دينار اداها له. اداها له صلة للرحم ليه؟ افعال عشرة

مبشرين بالجنة. افعال واحد من العشرة المبشرين بالجنة - 00:09:51

ليه كانوا طلاب جنة يا جماعة؟ عارفين طلاب الجنة؟ عارفين بزلوا قد ايه للجنة؟ عارفين السلف وعلماءنا ودعاتنا وصحابة رسول الله صلى الله عليه وسلم بزلوا قد ايه عشان الجنة كان يروى ان فيه واحد - [00:10:11](#)

اسمه ابو قدامة الشامي. انا عايز اقول لكم الجنة كانوا بيعملوا ايه عشانها. كانوا بيضحوا قد ايه عشانها. كانوا بيسهروا قد ايه عشانها. كانوا بينزلوا قد ايه عشانها. كانوا لما بيعرفوا ان الحديث ده - [00:10:21](#)

نجيب فضيلة عمل تودي للجنة كانوا بيعتهدوا دي فيها قد ايه ؟ ابو قدامة الشامي واحد من الشام الشام دي ارض مأسلة في الجهاد. ارض مأسلة بيت المقدس واكتافه. ناس مأسلة في الجهاد - [00:10:31](#)

القدامى الشامي كان بيجاهد ليل نهار بيقااتل الروم ليل نهار بيقااتل الصليبيين ليل نهار. ابو قدامة الشامي مرة راح مسجد النبي عليه الصلاة والسلام بيعتمر يعني بيزور مسجد النبي عليه الصلاة والسلام قالوا له حدثنا باعجب ما رأيت. قال لهم اعجب ما رأيت. كان رايح يغزو في سبيل الله عايش حياته في الغزو. فمر على بلد من البلاد فوقف في المسجد يرغب الناس في الجهاد - [00:10:41](#)

فبدأ الناس ترغب وبدأت الناس تسخن معه. وناس تطلع تجاهد معه وناس تتبرع له. بيقول فلما كان الليل روح بيته روح البيت بتاعه اللي هجره وقفل على نفسه. فاذا بالبيت - [00:11:01](#)

فاذا بالباب يطرق بيفتح الباب لقي امرأة وفي ايدها حاجة ادتها له وانصرفت وهي تبكي. ايه ده! ما هذا! قالت له دول ضفيري! دول احسن حاجتين عندي في الدنيا. الضفورتين بتوع شعري. انا قطعتهن. خليهن لجام للفرس بتاعك وانت بتجاهد في سبيل الله. انا ما املكش اي حاجة غير كده. زوجي مات وخلص ما املكش اي حاجة - [00:11:11](#)

يمكن لعل الله يغفر لي لما يلاقي اللي جاب فرسك. الضفيرتين بتوعي وانصرفت وهي تبكي. بيقول تعجبت جدا من بزلها وشوقها للجنة تضحيتها بيقول فلما جه بقى يطلع ثاني يوم بقى مع اخوانه في الجهاد. فلقى غلام جاي مغطي وشه وعايز يخرج معه. فبيقول له من انت؟ اكشف وشك. اشوف الاول انت سنك صغير - [00:11:31](#)

تنفع ولا ما تدفعش. فلما كشف وجهه وجده وجهها كالقمر. غلام عنده سبتاشر سنة. فقال له هل لك اب؟ ارجع لابوك. قال له ابي قتل. في جهاد الصليبيين. واخوالي قتلوا. قال له فهل لك من ام؟ قال له امي صاحبة الشيكال. صاحبة الضفرتين اللي جت ادتهن لك امبارح عشان تنجم بهم فرسك. وهي التي ارسلتني وقالت اذهب - [00:11:51](#)

يا بني وهب نفسك لله. واطلب مجاورة الله في الفردوس الاعلى. واطلب مساكنة ابيك واخوالك في الجنة. واطلب الشهادة عند الله الله سبحانه وتعالى لعلك ان نلتها تشفع لي عند الله سبحانه وتعالى. اللهم ان هذا ابني وفلذة كبدي وثمره فؤادي. ربيته يا رب وسلمته - [00:12:11](#)

اللهم فقر به من ابيه واخواله. قال له انا شهيد ابن شهيد. انا نفسي ابقى شهيد ابن شهيد. انا انا عايز اطلع معك اجاهد في سبيل الله. قابلوا ابو قدامة بيقول فلما خرجنا كان اسرع واحد. انشط واحد. اكثر واحد زاهر لله ليل نهار بلا توقف. اكثر واحد بيعتهد في الخدمة لدرجة انهم كانوا صايمين مرة قبل - [00:12:31](#)

على طول وعابزين يفطروا فاصر هذا الغلام ان هو اللي يعمل لهم الفطار هو اللي يطبخ لهم. فذهب فاتأخر عليهم. رحبوا القدامى يشوفوا لقاه نايم والقدر جنبه بيطلب فيه. فبيقول وهو نايم - [00:12:51](#)

فلان ده نايم لا بيتبسم. وبعد كده التبسم زاد. وبعد كده بدأ يضحك وهو نايم. بدأ يضحك جدا. وبعد كده استيقز من النوم. قال له يعني رأيتك تتبسم وبكده ضحكت - [00:13:04](#)

فقال له ايه رؤيا رأيتها؟ قال له قصها علي. قال له اجعلها بيني وبين ربي. قال له اقسمت عليك بالله ان تقصها علي. قل لي الرؤية دي ايه ؟ قال له رأيت الجنة. فوالله - [00:13:14](#)

ما رأيت شيئا من انا شفت الحزن اللي عمري ما كنت اتخيل ان فيه حسن زي كده. فبينما انا اتجول في الجنة ازا بقص قصر بيشع نور. النور بيتضوء منه - [00:13:24](#)

ويتلأأ منه وطوبى لبنة منه ذهب ولبنة فضة. ولكن الشرف والنوافذ بتاعته من الجواهر والاحجار الكريمة. منظر رهيب. والستائر

بتاعته ارخيت اتشالت كده من على الشرفات واذا بجواري من شدة الحسن. كل واحدة اجمل من القمر من شدة الحزن. واذا باجمل

جارية فيهم اجمل امرأة فيهم. فانظر اليه وتقول - [00:13:34](#)

انبهار هذا زوجي المرضية. هذا زوج المرضية. فقلت انت المرضية. انت انت اللي جمالك الباهر ده هو انت المرضية اللي انا جوزها؟ قالت له انا قادمة من خدم المرضية. وان شئت ان تراها فادخل القصر وانظر اليها. بيقول فلما دخلت ونظرت اليها لولا

ان الله ثبت بصري لذهب بصري - [00:13:55](#)

لولا ان الله ثبت عقلي لطش عقلي. فقالت مرحبا بولي الله وحببيه. ولكن لا موعد لك الان عندنا. ولكن غدا بعد بيقول فاستيقظ من الرؤية وقلبه يعني تخيلوا يا جماعة انا لي احد اخواني من يومين قابلته للفجر بيقول لي انا لسة شيء في الوقتي ان انا مت ودخلت

القبر - [00:14:15](#)

لقيت مية كده نازلة قلت الحمد لله هاشرب وبعد كده لقيت القبر وسع. ولقيت مراتي قاعدة بتضحك وقاعدة معها الصور كده وقاعدة بتضحك وفرحانة. بيقول انا صاحي ايه ده! ايه الجو الامان ده! ايه جو الاطمئنان ده! ايه جو السكينة ده! هو شاف جو في القبر يعني

بدون بقى ايه سرد للرؤية كاملة! شاف جو في القبر غير متوقع! اهو ده شاف رؤية - [00:14:35](#)

الجنة صحي فرحان صاحي بيضحك. فلما كان من الغد في الجهاد وقف هذا الغلام في الصف الاول. ابو قدامة قال له يا بني انت

جاهدت قبل كده؟ قال له انا عمري ما جاهدت قبل كده. قال له - [00:14:55](#)

ده ده سيوف بتطلع ورقابي بتطير وجماجم بتتكسر وايدين بتتحطم ورجلين بتبقى اشلاء. انت هتقف فين؟ ارجع في الوراء. فقال لا.

اتريد ان جهنم قال له وما يدخلك جهنم. قال له مش ربنا قال ان اللي يفر من الزحف له جهنم والعياز بالله. لو جهنم وربنا هيصليك

جهنم وساءت مصيرها. قال له يا بني ليس - [00:15:05](#)

صمم انا هقف في الصف الاولاني. دخلت المعركة لغاية الظهر طحن مع الصليبيين. فلما انتصر المسلمين بفضل الله. فابو قدامة بيدور

كل واحد بيدور على قرايبه ده ما لوش قرايب ما لوش حد. ابوه واخوانه استشهدوا في الجهاد. فبيدور عليه فوجدوا خلاص محطم

بيلفظ انفازه الاخيرة. ويقول اين عمي ابو قدامة - [00:15:25](#)

اين عمي ابو قدامة؟ فلما راح له قال له اخبر امي مني رسالة. اخبرها ان الله قد تقبل هديتها. واخبرها اني ان شاء الله مت في سبيل

الله مقبلا غير مدبر. واخبرها اني سابلغ سلامي لابي واخوالي في الجنة. واني ساشفع لها عند الله ان تقبل الله شهادتي. واياه وحتى

تصدقك خد - [00:15:45](#)

جزء من ملابس اللي عليها الدم واديها لامي وقل لها الموعد الجنة ان شاء الله يا اماه. فلما عاد ابو قدامة الشامي الى امه عشان عشان

يخبرها بموت انه ويرجع لها الامانة اللي ابنها بعثها لها. فقالت امعزي ام مبشر؟ قال لها وما المعزي وما المبشر؟ قالت له ان تقبل الله

هديتي. التي اربيهها له منز - [00:16:05](#)

سبعة عشر عام فانت مبشر. لو ربنا يتقبل مني منه. مني اتقبله شهيد. انت بتبشرني. وان لم يقبلها مني فانت معزي. قال ابشري. لقد

تقبل الله ابنك وبعد كده ورايا الهدوم اللي فيها الدم بتاعة ابنها عشان يقول لها ان ابنك فعلا مشيت في سبيل الله وده دمه اللي

اهريق في سبيل الله. قالت كان - [00:16:25](#)

كل ليلة يدعو الى الله في جوف الليل ويقول اللهم احشرنني من حواصل الطير. اللهم احشرنني من حواصل الطير. ثم رفعت يديها الى

وقالت اللهم اني ضحيت لك بزوجي واخوتي وابني اللهم فارض عني واجمعني معهم واجمعني معهم في الجنة - [00:16:45](#)

الغلام ده يا جماعة وهو بيموت وهو بيموت وهو خلاص يعني يعني مع ابو قدامة الشامي بيوصيه وببيدي له الثوب اللي فيه الدم

بتاعه وببيوصيني يقول لاهم الملتقى الجنة قبل - [00:17:05](#)

ان يموت قال يا عم والله لقد صدقت الرؤيا اني لاري المرضية الان. واني لاشم ريحها. وعد الصدق الذي كانوا يعدون. وبشر الذين

امنوا وعملوا مصلحة ان لهم قدم صدق. الجنة يا جماعة. شوفوا هي ضحت بايه عشان الجنة. وجوزها وقرب منها ودي صورتها.

شوفوا انها ضحى بايه بعمره عشان الجنة. شاف ابو قدامة - [00:17:15](#)

يضحي بحياته عشان الجنة. احنا الوقتي لما نيجي نقول صلة الرحم والجنة. احنا زاهدين ليه؟ احنا زاهدين في الجنة ليه؟ مش

عايزين ندفع تمناها ليه؟ يا جماعة الرحم يا جماعة الرحم - 00:17:35

الرحم لما خلق الله الخلق قامت. في صحيح البخاري فاخذت بحقوي الرحمن. اتوسلت بربنا وقالت هذا مقام العائذ بك قطع الرحم. يا اللي بقى لك سنين ما تعرفش قرايبك ولا اعمامك ولا اولاد اعمامك. ولا اولاد اخوالك. ولا قرايبك ولا حد منهم يقصدك في خدمة تعمل

له حاجة. وقافل تليفونك عنهم وقافل - 00:17:45

عنهم يا قاطع الرحم اتق الله هذا مقام العائز بك. فقال الله اما ترضين ان من وصلك وصلته لما ربنا يوصلك هيعمل لك ايه ان من

قطعك قطعته. وفي رواية وان من قطعك بنته - 00:18:05

قطعة من الجزور وفي رواية وان منك ثكن كثر نكس هقطعه هقطعه مش هقطعه هقطعه. ليه؟ الرحم يا جماعة الرحم يا جماعة الرحم صلة الرحم من اعظم العبادات عند الله. الرحم بتقول يا رب ظلمت. يا رب قطع. يا رب اسئد الي. الرحم بتستغيث بالله.

الرحم الوقتي معلقة في عرش الله بتستغيث بالله - 00:18:20

الرحم ديت باشارة منها يوم القيامة. تدخل الجنة وتترمي في النار. باشارة. فمن اشارت اليه الرحم ان وصلني وصله الله. ده يوم القيامة. ومن اشارت اليه الرحم ان قطعني قطعه الله. الرحم بتدعي لك او عليك كل يوم. من وصلني وصله الله ومن قطعني. قطعه

الله. الرحم يا جماعة - 00:18:42

حاجة سهلة انتم متخيلين يعني ايه قاطع الرحم ملعون في كتاب الله؟ قاطع رحم ملعون في كتاب الله فهل عسيتم ان توليتم ان تفسدوا في الارض ارحامكم ها اولئك الذين لعنهم الله قطع الرحمة عنهم تماما. لعنهم الله فاصمهم واعمى ابصارهم. قاطع الرحم

عزرك - 00:19:02

ايه عند ربنا؟ انك آآ خايف احسن تتكسف. هو الله اصل انا قرايبي قرايبي ممكن يكسفوني. انا خايف احسن انا اروح لهم اصلهم ما

بيتصلوش بي ولا هم عايزيني ولا محتاجيني في حاجة. وايه يعني - 00:19:22

يعني لما تتكسف كسوة وتدخل الجنة. ايه يعني مندوب المبيعات بيتكسف كم مرة على ابواب الناس؟ كم مرة؟ عشان يدخل عشان

يجيب فلوس عشان يجيب دنيا انت عايز الجنة ايه - 00:19:32

خد لهم هدية حلوة يا اخي تؤلف القلوب. وتحبهم فيك وتفرحهم بك. وتعرفهم انك بتحبههم بجد. خد لهم هدية ومش ولو كسفوك يا اخي. ايه يعني لو كسفوك ايه يعني في سبيل الله؟ ايه يعني في سبيل الجنة؟ زي ما الرسول عليه الصلاة والسلام قال ولا يزال معك

من الله ظهير عليهم ما دمت على ذلك. ربنا هيظهرك - 00:19:42

ينصرك وهيايدك. ما دام انت استحملت الكسوف دوت عشانه في موضوع صلة الرحم. لو قرايبك مش راضيين يصلوك وانت اللي بتصلهم ما دمت على واحد يقول انا ابويا من ساعة ما مات. ما حدش من قرايبي عبرني. يا اخي ليس الواصل بالمكافى. انما الواصل

الذي اذا قطعت رحمه وصلها. هو الواصل. يا بختك يا - 00:20:02

ثوابك. يا اللي قرايبك ما بيسألوش عنك وانت بتسأل عنهم. يا سوابك يا اللي قرايبك مش عايزينك. وانت اللي بتروح لهم. يا سوابك

يا سوابك ده رحم يا جماعة. ده - 00:20:22

الرحم الرحم شجنى من الرحمن. والله العظيم انا سمعت حديث ونصوص في الرحم انا عمري ما قريتها في عبادة تانية. على الاطلاق

شوشن من الرحمن انا ما لقتش حد فسرهما - 00:20:32

اصلا يعني ايه شوشن من الرحمن. يقول لك الشجنة اللي هي الحاجات المتشابهة في الشجر. الشعب المتشابهة في الشجر. او العروق

المتشابهة في الدم. ازاي الشوش ده من الرحمن ازاي - 00:20:42

الاوروبي متشابهة في الشجر. ازاي شيشنا من الرحمن؟ يعني كأن ربنا بيقول لك انت ما تعرفش الرحم دي عندي شكلها ايه ده في البخاري. في البخاري الحديث ده يعني ايه ان ربنا سبحانه وتعالى يقول شققت لها اسما من اسمي. يعني مقامها عند ربنا ايه؟ يعني

ايه ربنا يقول ان قاطع الرحم ملعون؟ يا اللي كلت - 00:20:52

رحم من رحمك. تضمن ان ربنا يأخذ ورسك في الجنة ويحرمك من ميراسك في الجنة. ميراس الصالحين في الجنة. زي ما انت حرمت حد من قرايبك من في الدنيا تضمن مينين ؟ يا جماعة قطيعة الرحم دي بتعجل عقوبتها في الدنيا قبل اي حاجة. قبل اي شيء بتعجل عقوبتها في الدنيا. بتعجل العقوبة - [00:21:11](#)

بل لا يقبل عمل قاطع الرحم. كما قال رسول الله صلى الله عليه وسلم. تعرض الاعمال على الله كل خميس. ليلة الجمعة. اسمع فلا يقبل عمل قاطع رحم. يا رب ده صلى في جماعة وصام وقام ليل يا رب. لا يقبل. يا رب ده العشرة ريال من ذي الحجة قطع سجاجيد الصلاة عبادة. لا يقبل - [00:21:31](#)

يا رب ده في رمضان صلى وصام واتهجد واعتكف. لا يقبل عمل قاطع رحم. لا يقبل لا يقبل. ازاي يا رب خد اللي اخطر من ده في البخاري ومسلم لا يدخل الجنة قاطع. لا يدخل الجنة ما يقربش من الجنة اصلا. ما يدخلش الجنة. ما يدخلش الجنة ازاي؟ ازاي يا رب كل اللي عمله ده؟ الا - [00:21:51](#)

الا الرحم يا قاطع الرحم اتق الله. يا قاطع انا بقول الكلام ده في العيد ليه؟ لان احنا قدامنا اربع تيام اهو يا جماعة. النهاردة وتلات تيام في العيد. زر قرايبك يا اخي. اتصل - [00:22:11](#)

قرايبك يا اخي. كلم قريبك وقرايبك وخالتك وعمك وعمتك كلم الناس يا اخي. اتصل بقرايبك. صل رحمك يا اخي سبحانه الملك الجليل مهما كان اهلك ما ورتوكش صلة الرحم. مهما كان اهلك ما عرفوكش بقرايبك. رح لهم. اتق الله فيهم. طب انا قرايبك انت ما انتاش عارف - [00:22:21](#)

ما انتاش عارف عملوا في ايه. ده بهدلوني. دخلوني محاكم. كلوا ورسى. ظلموني. انت ما انتاش عارف عملوا في ايه دول ما بيحبونيش. اسمع بقى. افضل الصدقة افضل ايه ؟ افضل الصدقة. الله! يعني مش سواب صدقة! لا لا دا افضل الصدقة. الله! افضل صدقة! الصدقة على مين يا رسول الله! افضل الصدقة الصدقة على ذي الرحم - [00:22:38](#)

الكاشح. يعني ايه زل الرحم الكاشح؟ الكاشح اللي انت عارف انه ما بيحبكش اللي انت عارفه انه بيكرهك. اللي انت رايح له وعارف انه بيضمر العداوة لك. اللي انت عارف انه لو يقدر يأزيك يأزيك. ايه ده! ده افضل صدقة! مش افضل الصدقة الصدقة على اليتيم - [00:22:58](#)

كفيله هو هو وانت يا رسول الله في الجنة كهاتين لأ مش افضل الصدقة الصدقة على المسكين اللي انت قلت يا رسول الله الساعة الارملة والمسكين كالقائم الذي لا يفتر - [00:23:14](#)

الصائم الذي لا يفطر كالمجاهد في سبيل الله لأ مش افضل الصدقة يا رسول الله الصدقة على المريض والمحتاج لأ افضل الصدقة الصدقة على ذي الرحم الكاشح كمان انت عارف ان هو ما بيحبكش - [00:23:24](#)

يعني يا جماعة سواب رهيب احنا مضيعينه ليه ؟ ليه ؟ تيجي تقول لي بقى انا عارف ان هو ما بيحبونيش ايه يعني ما بيحبكش. ايه يعني ما بيحبكش ؟ ايه القضية يعني ؟ هو انت بتعمل كده ؟ المخلص ما بيترددش - [00:23:36](#)

المخلص ما بيعملش العبادة لانه بيحبها وبيكرها او سهلة وصعبة. المخلص ده بتاع ربنا يا جماعة. بتاع ربنا ما بيترددش ابدا في طاعة لله. سبحانه وتعالى الدنيا اللي بيصل رحمه ده الدنيا الرسول بيقول اعجل البر ثوابا. اعجل البر ثوابا مش ربنا اسرع الحاسبين. بيديك حسابك اول ما بتعمل العمل الصالح في - [00:23:46](#)

الدنيا قبل الاخرة. اعجل البر ثوابا. اكثر حاجة هتلاقي ثوابها فورا. ايه يا رسول الله ؟ صلة الرحم. يعني انت عايز الدنيا صل الرحم. بل ورد في بعض ان اجابة الدعاء مرتبطة بصلة الرحم. بل عبدالله بن مسعود كان مرة قاعد في قعدة بعد الفجر. فاراد انه يرفع ايده والناس تدعي معه. قال لهم ناشدكم بالله. من كان منكم قطع - [00:24:06](#)

الرحم اللي بقى له سنين ما يعرفش قرايبه ولا بيروح لهم ولا بيזורهم. ولا بيتصل بهم. ناشدكم بالله. من كان منكم قاطع للرحم فلا يقربن مكانا ما يقعدش معنا يقوم ليه ؟ ليه يا ابن مسعود؟ فان ابواب السماء مرتدة في وجه دعاء قاطع الرحم. ابواب السما مقفولة - [00:24:26](#)

بالضبة والمفتاح في وش دعاء قطع الرحم. يعني دعاؤه لا يجاب طب انت صابر على كده ليه؟ حاطط نفسك في كده ليه؟ حاطط نفسك في الوضع ده ليه؟ نضيع السواب ده ونعرف - [00:24:46](#)

نفسك للهلاك ده ليه؟ ليه يا جماعة؟ يا جماعة في رواية لابن حبان وما من اهل بيت يتزاورون او يتواصلون الا ولا يحتاجون. ربنا يخليهم ابدًا. ما يحتاجوش لحد. حتى لو ظلم حتى لو عصاة بس بيوصلوا الرحم. بس بينهم وبين بعض ود. الحديس الخطير. من سره ان ينسأ له في اثره. في - [00:24:56](#)

رأى ان ينسأ له في اثره. وان يبسط له في رزقه فليصل رحمه. ينسأ له في اثره. يعني ايه؟ يعني يطول عمره. يطول عمره؟ يا اما على قول بعض السلف - [00:25:16](#)

ان هو ربنا يبارك لك في عمرك وملك ونهارك يا اما يطول عمرك فعلا يطول عمره ويوصف له في رزقه مش عايز سعة الرزق. انت ليه زاهد في ده؟ كل ده عشان ايه؟ عشان - [00:25:26](#)

شوية آآ شوية رواسب جوة القلوب عشان شوية قضايا قديمة يا اخي! يا اخي سبحان الله! يا اخي والله العظيم الواحد بيبقى بينه وبين حد. سواء من قرايبه ولا من غير قرايبه ولا من الناس - [00:25:36](#)

ياما سواء ورسها من قبل كده عن اهله او او ايا ما كان. بيروح ويتكلم بيلقي الدنيا سبحان الله العظيم. ولا كأن في حاجة. والقلوب بتتصافى. والناس بترجع والود بتتمد بسورداني بينه وبين الناس وربك بيرضى. وربك بيبعت لي سبحان الله! احنا زاهدين ليه؟

خافين ليه؟ واحد راح لرسول الله صلى الله عليه وسلم. بيقول له يا رسول الله - [00:25:46](#)

الله اذنبت ذنبا عظيما. انا وقعت في مصيبة. انا عملت كبيرة. الكبيرة دي يا راجل مش عايز يقول. انا عملت مصيبة يا رسول الله. اعمل ايه؟ قال له هل لك من امي؟ قال له - [00:26:06](#)

ماتت ماتت يا رسول الله. قال له هل لك من خالة؟ قال له نعم. قال له فبرها. يعني صلة الرحم تكفر الكبائر. تكفر الكبائر! طب تجيب حسنات تجيب حسنات الفاظ احاديث صلة الرحم لا توجد في حديس ثاني. ها ما احب الاعمال الى الله يا رسول الله؟ احب الاعمال

قال له الايمان بالله. قال له ثم مه؟ قال له - [00:26:16](#)

صلة الرحم صلة الرحم بعد الايمان بالله لأ ده في حديس ثاني خطير افضل اخلاق اهل الدنيا والاخرة. وفي رواية افضل اخلاق الاولين والآخرين. افضل حاجة البشر عملوها في المعاملات في التاريخ كله - [00:26:36](#)

ايه يا رسول الله ان تصل من قطعك. وان تعطي من حرمك وان تغفو عن من ظلمك. ان تصل من قطعك. انك توصل للي قاطعك. ده افضل حاجة يا رسول الله - [00:26:50](#)

الاخلاق يعني يا رسول الله انت قلت ان اقربكم مني مجلسا يوم القيامة احاسنكم اخلاقا. اخلاقا. يا رسول الله ده انت ده انت ده كل ما الواحد خلقه بيزداد كل ما بيبقى جارك في الجنة يا - [00:27:00](#)

يا رسول الله ده انت قلت ان الرجل ليبليغ او ان المرء لا يبلغ بحسن الخلق منزلة الصائم القائم. اللي اعلى من كل ده اللي اعلى من كل ده يا رسول الله - [00:27:10](#)

اللي يصل من قطعه اه والله العظيم. اللي يصل من قطعه. حتى لو قرايبه قطعه يوصلهم وصل للرحم يا جماعة. وصل الرحم ده عند ربنا سوابه عظيم اوي. عند ربنا ما بيقعش ما بيتكسرش - [00:27:22](#)

ما بيتسبش ربنا ما بيخزيهوش ربنا ما بيسيوش. ربنا ما بيضيقهاش عليه. واصل الرحم ده عند ربنا مقامه قد ايه؟ اعظم من مقام اللي بيصوم ويصوم يصلوا ويزكوا اعظم المقام اللي بيعمل العبادات ولكن ما بيعملش المعاملات. اعظم من مقام كله تقول واصل

للرحم يا اخواني. واصل الرحم. طب شف بقى الحديس - [00:27:32](#)

الرسول عليه الصلاة والسلام بيقول انما الدنيا لاربع. اول نوع ايه؟ هم. رجل اتاه الله مالا وعلمًا. فهو يتقي فيه ربه ويصل فيه ربه ها ويعلم لله فيه حق. ده ما له يا رسول الله! فهو افضل المنازل - [00:27:52](#)

ده افضل واحد في الدنيا يا رسول الله اللي بيصل رحمه بالمال اللي ربنا اداه له. ده افضل المنازل يا حبيب الله. ايه ده! ايه المقامات

العالية العظيمة دي يا جماعة؟ ايه الثوبات الرهيبة دي - 00:28:07

ومن شوية افضل الصدقة الصدقة على ذي الرحم الكاشح. انا والله يا جماعة ما سمعت الكلام اللي في نسوس الرحم في اي حاجة تانية. عمرك شفت عبادة الرسول قال عليها بينسأ بسببها في اسر العبد بتطول العمر. سمعتها دي قبل كده؟ سمعت عن عبادة امسكت بحقواي الرحمن في صحيح البخاري. وقالت هذا مقام - 00:28:17

حقوق الرحمن اللي العلماء قعدوا يفسروا بقى قالت يعني استغاست. العلماء بقى مختلفين اختلافاتهم في معناه. وناس والحقوا الرحمن اللي هو العرش وناس والحجرة. يعني ايه يا جماعة يعني ايه؟ يعني يعني الدسوس دي سمعناها قبل كده. سمعت عن عبادة الرسول عليه الصلاة والسلام قال ان اللي مش هيعملها ربنا هيقطعه - 00:28:37

ومن قطعك قطعته سمعت عن عبادة فيها الكلام ده ان اللي هيقطعها ربنا هيقطعه ربنا هيئته ربنا هيئته سمعت عن عبادة فيها التهديد اللي تركها كحاجة يعني معناها ان ربنا سبحانه وتعالى مقام العبادة دي عند الله شكله ايه؟ ودرجته ايه؟ ومقامه ايه؟ انا قلت لكم ابو بكر - 00:28:57

الصديق اللي اتهم بنته ربنا قال له اعف عنه. اولي القربى اولي القربى يا جماعة الا صلة الرحم. ان كلا والله لا يخزيك الله ابدا. كفاية انك تعيش حياتك الكلمة دي. كفاية انك تعيش حياتك. كلا والله لا يخزيك الله ابدا. وانت حاسس ربنا مش هيخزيك ابدا. ومش هيسيبك ابدا - 00:29:17

ابدا كفاية انك تشابه العشر المبشرين بالجنة. زي طلحة بن عبيد الله وانفاق وزى ابو طلحة. لما طلع بيروحاه في قرابته في صلة الرحم. كفاية انك انت الرحم بتاعتك تدعي له - 00:29:36

كل يوم من عند عرش الله من تحت عرش الله وتشير اليك يوم القيامة. يا رب هذا وصلني. فهو يصلك الله سبحانه وتعالى. كفاية يا جماعة ان الرحم بتستناك على الصراط. على الصراط! ايوة - 00:29:46

يا تعديك يا توقعك. طب تخيل لو انت قاطع للرحم. هتعمل ايه؟ يا تعديني يا توقعني على الصراط هي والامانة. اللي بيكتشف شغله واللي واللي ويسرق واللي للمسلمين سلع مغشوشة الامانة والرحم الرحم والامان. الرحم مستنياك عند القنطرة اهل الارحام. حقوقنا فين؟ فين حقوقنا اللي كانت عليك لنا؟ فين - 00:29:58

الرسول عليه الصلاة والسلام بيقول من كان يؤمن بالله واليوم الآخر فليصل رحمه. انت مؤمن لو مؤمن بالله صل رحمة. لو مؤمن بعد باب القبر والنعيم وصل رحمك لو مؤمن بالصراط والقنطرة والميزان في رحمك. لو مؤمن بجهنم صل رحمك. لو مؤمن بالجنة والفردوس ومقامات هتصل رحمك. يا جماعة من كان يؤمن يعني دي شعبة من شعب - 00:30:18

يعني ايمانك ناقص يا اللي ما بتوصلش رحمك. جزء من ايمانك ركن من ايمانك نقص. مش موجود. يا اللي ما بتوصلش رحمة يا بختك يا واصل الرحم! يا بختك يا اللي عارف حق ربنا في رحمك! يا بختك يا واصله الرحم! يا جماعة هو صلة الارحام! اللي بيمنع زوجته عن ارحامك! تمنع زوجتك عن ارحامها ليه - 00:30:41

ليه؟ ده انت كده تاخذ اذن قطع الرحم. هي معزورة هي هي مضطرة خلاص تسمع كلامك. انت بتاخذ سورة اسم قاطع الرحم. ولما تسيبها تصل رحمها. انت بتاخذ صلة الرحم. يا جماعة يا اخوانا عايزين عودوا ولادكم على صلة الرحم. بدل ما ولادكم يكبروا بكرة يلاقوا نفسهم نبقوا عارفين قرايبهم. ولا حد عرفهم قرايبهم ولا حد ما سمعوش غير - 00:31:00

كان كلام نقد ولا كلام شتيمة ولا كلام فيه تكريه لقرايبهم ليه يا جماعة؟ ليه؟ ليه؟ ده الرحم دي بالنسبة لاولادكم عزوة. حتى ولادك يبقى فيه ناس يا اخي سند يا اخي من دمه. بينه وبينهم دم بيحبهم ويحبوه ويصلهم ويصلوه. تاخذ ولادك في العيد دهو وتاخي ولادك. لكل قرايبك وتعرفهم عليهم. ليه يا جماعة - 00:31:20

دي صلة الرحم احنا مقصرين فيها. هذا التقصير الرهيب. من ضمن صلة الرحم يا جماعة. وده طبعا موضوع له مجال كبير جدا. ولكن الوقتي لازم نشاور له النشاوى اللي فيه في العيد. في العيد في الاوقات اللي فيه امهات واباء الوقت في دور المسنين. اولادهم ممكن يتصلوا بهم او ما يتصلوش بهم في دور المسنين. يعرفوا هم كويسين ولا لا. دلوقتي - 00:31:40

في اباء وامهات ببشحتوا ولادهم ومش عارفين يلاقوا ولادهم. اباء وامهات فانوا عمرهم عشان ولادهم. وفي الاخر ولادهم باعوه
عشان ده مراته وزوج جوزي يا ماما ومراتي يا يا امي وجوزي يا بابا وخلاص والموضوع خلص مع السلامة كفاية عليكم كده ادبتهم
امتكم وخلاص. ازاي يا جماعة؟ يا جماعة التضحية اللي الام - [00:32:00](#)

اعملها لولادها الوالدين بيعملوها دي ما فيش زيتها في الدنيا كلها. عاملة بالزبط زي عارفين الكتكوت اللي بيطلع من البيضة؟ اما بيطلع
من البيضة بيكون كل اللي جواه انتهى وما عادتش غير شوية قشر متهشم وهو طلع كائن لسة بيستقبل الحياة بكل قوته. اه بالزبط
كده عم امك بتربيك بيكون عمرها راح فين - [00:32:20](#)

نضارة شبابها وقوتها وصحتها. انت بقيت قوي وفي عز قوتك. وهي ضحت بكل حاجة عشانها. اول ما العيال يتمرنوا قرية على قدام.
ما حدش يبص لورا جري على جوزها جارية على على مراته جارية على ولادهم جري. ما حدش يبص لورا ليه؟ ما حدش يبص للام
والاب اللي ربوكم ليه؟ ده ربنا سبحانه وتعالى يقول للي بيجري اقف - [00:32:40](#)

عندك اقف هنا انت رايح فين وقضى ربك الا تعبدوا الا اياه وبالوالدين احسانا. قضى يعني الامر ده اترفع للقضاء الاعلى في السماوات
الارض كلها القضاء الاعلى لو ربنا قضى اقف انت رايح فين؟ سايب امك وابوك رايح فين؟ وقضى ربك الا تعبدوا الا اياه وبالوالدين
احسانا. الوالدين بعد ربنا؟ اه ثاني - [00:33:00](#)

الرابطة في الوجود ثاني اكبر صلة في الوجود وعلاقة في الوجود علاقة الاسرة. اللي بيخرج منها الارحام اشمعنى الوالدين؟ امك دي
لو انت مت يا ابني امك دي حياتها انتهت حياتها اتحطمت. ما شفتش ام ابنها انت عارف هي بتحبك قد ايه؟ ده الاب تلاقي ابن ابنه
المدرسين مش - [00:33:20](#)

الجيران مش طايقيه. الناس مش طايقيه هو الولا مش طايق نفسه. ويقولوا لابوه اضربه قدمه. الراجل ايده مشلولة مش قادر يمد
ايده على ابنه ليه؟ من كتر العاطفة اللي في قلبه تجاه ابنه. لما بيشوف حد من اخواننا وكثير من الملتزمين والملتزمات عاق لوالديه.
للاسف الشديد عاق لوالديه. ما فيش بر. هو - [00:33:38](#)

انك انت زاكية امي وزكي يا ابي انت كده بقيت واصل لوالديك ولا بار بوالديك! فين بر الوالدين؟ فين؟ كثير من الملتزمين عاق
الوالدين. لما تيجي تشوف الملتزمين بيتعاملوا ازاي مع بعض - [00:33:58](#)

والديهم يا جماعة يا جماعة وبالوالدين احسانا. لما بشوف اخ من الاخوة ببشد على حد من اهله وهو بيعمل كده ليه؟ اقول له يا ابني
اما تخلف هتعرف الام والاب بيجبوا الابن قد ايه. هتعرف العاطفة الرهيبة اللي في قلبهم. انت عمرك ما هتقدر الا اما تخلف. عمرك ما
هتعرف الا اما تخلف. وبالوالدين احسانا اما يبلغك - [00:34:08](#)

عندك الكبر احدهما او كلاهما فلا تقل لهما اف. الوقت جاي تقول لهم اف وامك لما غيرت لك ميت الف مرة وانت طفل صغير ما قالتش
اوف ليه؟ ولما كانت حامل فيك تسع شهور كانه حقن سم في جسمها كله. ما قالت لكش اف ليه؟ ولما اهلك صرفوا عليك كل سنة
وكل شهر وكل يوم وكل ساعة لغاية ما ابوك جوزك - [00:34:27](#)

امك اتجوزتك في الاخر بمكافأة نهاية الخدمة بتوعهم. وسابوا اخر فلوس ممكن تبقى معهم في حياتهم. عشان انت تتجوز. ما
قالولكش اوف ليه؟ ولما امك اكبر تضحية في الدنيا كلها اتضحت هي تضحية الام عشان ابنها. انت لما كنت صغنن كده كنت حنة
خلية واحدة اتزرعت في رحم امك حنة خلية بس خلية - [00:34:47](#)

كشره خلية نهمة خلية قاعدة تمزق في اللحم بتاع الرحم. وقاعدة تمص في خلاصة دم الام. الام تقعد تاكل وتشرب وتتغذى وخلصت
كل ده تروح لك انت وانت لسة خلية بتكبر بكل نهم وبتتوسع بكل شراهة على حساب خلاصة دم واسار الدم الام لغاية لما بيجي
عضمك يتكون - [00:35:07](#)

يبدا الكالسيوم اللي في عضم امك يدوب ويتحلل في الدم. عشان يتكون منه عضمك انت. عشان بعد سنين يجي لها ايه هشاشة عظام
وانت تبقى واقف زي القطر كده اهو عضمك مبني بقمة القوة والمتانة - [00:35:27](#)
وبعد كده بعد كده تقول ادفع لها ايه؟ تديها تمن هتديها تمن ايه؟ هتديها تمن كبك ولا كلتك اللي تكونه من دمها ولحمها؟ ولا تديها

تمن عضمك اللي اتكون من عضمها - 00:35:41

بعد كده كبرت وبقي عندها هشاشة عظام وانت اللي بقيت قوي. هتديها تمن ايه ؟ هتدفع لك جاية دلوقتي وتقول لها اوف! وما قالت لكش هي اوف من زمان ليه! لما قعدت تاكل ووسخت حواليك مية الف مرة - 00:35:51

لما وسقت هدومك وغرتها لك ميت الف مرة. كل ده ما قالت لكش اف وانت اللي جاي النهاردة. تقول لها اوف فلا تقل لهما اف. ولا تنهرهما. النهر زي نهر النيل - 00:36:01

النهر اللي هو الشق الكبير اللي يشق الارض. عشان كده نهر النيل يتسمى نهر. لانه شق وشق الارض والماية جرت. لا تنهرهما يعني الكلمة اللي هتقولها لهم جارحة هتشق نفسيته بقى تشق قلبهم. ولا تنارما وقل لهما قولوا كريما. احترمهم قدرهم ارفعهم. عظمهم. حط جزمتهم على راسك. قدرهم - 00:36:11

وقل لهما قولوا كريما. حسسه اتكلم عنهم قدام الدنيا كلها على انهم اعزم اتنين في الدنيا دي كلها. وقل لهما قولوا كريما واخفض لهما جناح الذل الزل يعني ايه؟ يعني اشتغل لهم بتاع شاي وقهوة تعمل لهم شاي وقهوة. اشتغل لهم مكوجي تاكلهم هدوم. اشتغل لهم غسالة. تغسل لهم هدومهم. اشتغل لهم فراش تمسح لهم الارض - 00:36:31

استغلوهم اشتغلوهم كل حاجة. استغلوهم غسال ومكوجي. واشتغل لهم بتاع احزية. لما علوم الاحزية بتاعتهم. اشتغل لهم كل الشغلانة اللي تشتغلهم اي شغلانة طباخ. تطبخ لهم الاكل اللي هم عايزينه. واخفض لهما جناح الذل من الرحمة. وكمان وقل رب ارحمهما. يا رب - 00:36:51

انا رحمتهم بس رحمتي بسيطة على فضلهم. انا عايز رحمتك الواسعة يا رحمن يا رحيم هي اللي تشملهم بها. وهي اللي تحط بها. يا جماعة صلة الرحم صلة الاخت اللي له اخت ومهملها. يا اخي اختك يا اخي اتق الله في اختك يا اخي واتق الله في اولاد اختك يا اخي. اتق الله. يا جماعة ده - 00:37:11

ده رحم يا جماعة عارفين يعني ايه رحم؟ خلقت الرحم وشققت لها اسما من اسمي. اسما من اسمي. الرحم ديت بتحاوط بالجنين من كل ناحية. قمة الرحمة. قمة الحماية قمة الحصانة ما فيش اي مكروه يقدر ينفلز له. الرحمن اللي رحمته وسعت كل شيء وشملت كل شيء. رحمته غرقتك - 00:37:31

ما فيش ضر قدر ينفلز لك من من خلاله. عشان كده الرحم اشتق لها اسم من الرحمن. لان الرحم فيها الرحمة الشاملة اللي مغطياك ومغرقاك. ومحصلة وحامياك. الرحم دي هي اللي بينك وبين قرايبك. ازاى تقطعها؟ ازاى تقطعها؟ وانت مستني من ربنا ليه وانت تقطعها؟ مستني من ربنا ايه لو انت فرطت فيها - 00:37:53

عشان كده يا جماعة عشان كده الرسول عليه الصلاة والسلام اول حديس قاله اول ما دخل المدينة يا ايها الناس ايها الناس نعم يا رسول الله افشوا السلام واطعموا طعام وصلوا الارحام. وصلوا بالليل والناس نيام. تدخلوا الجنة ايه؟ بسلام. يعني ايه يا رسول الله؟ بسلام - 00:38:13

العالم كله الكرة الارضية دي كلها يا جماعة العالم كله اللي تحت التراب واللي فوق التراب واللي في الارحام لسه واللي في اصناف زهور الرجال لسه كل ده العالم كله - 00:38:33

ويقوم يوم القيامة كله ما عندوش غير كلمة واحدة. يا رب سلم سلم. سلم يا رب سلم. السلامة يا رب. الرسول عليه الصلاة والسلام بيقول بقى صلوا الارحام تدخلوا الجنة بسلام - 00:38:43

ما فيش اي مشاكل اخروية تقابلك. طب لو ما وصلتش الارحام ما عدش فيه السلام بقى. هيجي السلام منين ؟ لو انت قاطع رحم. السلام هيجي منين ؟ السلام هيحوطك منين ؟ هيجي لك - 00:38:53

من اي ناحية لما انت قطعت الشجنة اللي من الرحمن اللي هي الرحم لما انت قاطعت اللي كانت معلقة بعرش الرحمن الوقتي اهو في اللحزة اللي احنا قاعدين فيها. وهي بتتوسل الله وبتقول له يا رب هذا مقام العائز بك من القطيع. يا رب - 00:39:03

ظلمت يا رب قطعت يا رب اسىء الي. امال الوقت والرحم تقول ايه؟ امال الرحم الايام دي تقول ايه يا جماعة ايه رأيك في الايام

بتاعتنا دي اللي ممكن الناس بيرموا اهلهم فيها اللي ممكن الاخ بيتبرى من اخته والغني في العيلة بيتبرى من الفقير واللي ربنا فتح عليه في مركز ولا - [00:39:17](#)

خد مركز بيتبرى من بقية العيلة امال الرحم زمانها بتشكو ربنا مننا بتقول له ايه؟ زمانها بتشكو ربنا من المجتمع اللي احنا عايشين فيه بتقول له ايه؟ دي عبادة من اخطر العبادات الصلاة - [00:39:33](#)

صورة المؤمنين مع بعض. صورة المسلمين مع بعض ودي صورة المسلمين اللي بينهم وبين بعض دم دم انك لازم تعرف قرابيك. ولازم تعرف رحمك. ولازم توصل لرحمك وتوصل لهم. وتقربهم منك. عايزين نبقي واصلين للرحم يا جماعة. يعني - [00:39:43](#)

التوصيات بتاعتنا اول حاجة احنا في العيد الوقتي باقي ثلاث ايام والنهاردة اليوم الرابع اهو. انصر رحمة. عندها زيارات يا اخي. قضيتها زيارات لقرابيك. زر قرابيك وقربائك. زهم كلهم. صلهم يا اخي. معك فلوس صنهم بفلوسك يا اخي. ده ربنا سبحانه - [00:39:59](#)

تعال شف سوابك عند ربنا شكله ايه. دي هدية. هدية لاحب ناس اليك. واقرب ناس اليك. واكثر ناس. هتقول دا ما بيحبونيش. مش ما بيحبكش يا ابني. هي الدنيا دلوقتي - [00:40:13](#)

صعبة. الدنيا بقت صعبة ده وراه مصاريف وده تكاليف. وده يبص لك يحس انك انت مستريح وما سألش عنه في المشكلة. انما اول ما الناس بقى بتغسل كل الحاجات دي وتقرب من بعض تاني وتتودد لبعض تاني. كل ده بيدوب. انت في حد هيحبك اكثر من رحمك؟ فيه حد هيبقى بينه وبينك صلة اكثر من دمك؟ وغير كده ربنا يا اخي. ربنا - [00:40:23](#)

وتعالى. الاربعة تيام دول. طب الليلة نعمل ايه؟ الليلة كل واحد يمسك المحمول بتاعه او التليفون بتاعه يعمل عشر مكالمات لرحمه. عشر مكالمات على الاقل ممكن واحد يعمل عشرين ممكن واحد يعمل ثلاثين على قد ما تقدر بقى. خلص رصيد المحمول بتاعك النهاردة على صلة الرحم. ازاي؟ ورجل اتاه الله مالا - [00:40:43](#)

فسلط على هلكته بالحق. النهاردة سلط على هلكة رصيد محمولك بالحق تبقى واحد من اثنين ما حدش يتحسد غيرهم في الدنيا. اللي ربنا اتاه القرآن واللي ربنا ادى له مال سلط على هلكته بالحق. سلط يا اخي على راسه يدبح مولك بالحق يا اخي. انك انت تتصل بقرابيك. واحد واحد كلمهم. بس ده انا في كثير منهم - [00:41:02](#)

ما اعرفش نمرهم للاسف الشديد. للاسف ده حالنا كلنا يا جماعة. حالنا كلنا والله العظيم. كلنا بلا استثناء. كثير من عايزين نوصل لهم مش عارفين اصلا نوصل لهم. ما احناش عارفين - [00:41:22](#)

ازاي! فتخليوا يا جماعة النهاردة اتصل بمن تستطيع. عشرة على الاقل عشر مكالمات. زي ما الرسول عليه الصلاة والسلام بيقول بلوا ارحامكم ولو بالسلام ولو بالسلام عليكم. ولو بمكالمة هاتفية بلوا ارحامكم. بالله الارض الناشفة دي الارض اللي انتم بقت ناشفة - [00:41:32](#)

واتشقت دي بلها. احييها تاني. الحاجة العلاقة الناشفة دي بالله. خليها لينة تاني. خلي العلاقة بينك وبين قرابيك كده قولوا ارحامكم اللبيب المحترق ده بولو. طفيه بماء صلة الرحم بلوا ارحامكم ولو بالسلام يبقى عشر مكالمات الليلة ان شاء الله باذن الله - [00:41:52](#)

طيب عايزين يا جماعة عموما عايزين نبقي واصلين للرحم يا جماعة دول قرابيك وولاد عمك وولاد خالاتك واقعد بقى ادخل بقى على قد ما تقدر على قد ما تقدر طب وبرضو العم يوصل لواد اخوه؟ والخالة توصل لولاد اختها وولاد اخوها والعم يوصل لولاد اخته ما انت انت الكبير يا اخي انت الكبير ونفس السواب ده لك انت كمان مش الصغير هو اللي وصل - [00:42:12](#)

صلة الرحم مش معناها ان الصغير بس هو اللي يوصل للكبير. والكبير يوصل للصغير. والكبير يوصل الصغير يا جماعة. هو ايه صلة الرحم؟ صلة الرحم. يا اتصالات يا زيارات يا هدايا! ما هي صلة الرحم! اتصالات! اتصل يا اخي! خلي دايم كده خلي معك ورقة اعمل ورقة صلة الرحم! فيها كل قرابيك نمرهم! بحيس ان في اي - [00:42:33](#)

دلوقتي لقيت نفسك فاضي نص ساعة يلا بالتليفون اشتغل اشتغل اشتغل. اكتب قرابيك في الورقة لوحدها يا يورد صلة الرحم. كل اسبوعين ثلاثة تقوم ايه مطلع ومتصل بالجميع. اعمل ورقة - [00:42:52](#)

صلة الرحم طيب والزيارات زورهم طب وافرض بها الكسف هات هدية جميلة. هات هدية جميلة وادخل يا اخي. والناس هتفرح بك وهتحبك من غير لا هدية ولا حاجة. ولكن يا اخي - [00:43:02](#)

الهدية معك من باب يا اخي مزيد من البر والالفة والود اللي ربنا يرضى بها. عنك اكثر ويحبك بها اكثر ويأجرك بها اكثر. الهدايا الهدايا يبقى الاتصالات والزيارات والهدايا. اولادك خدهم معك في الزيارات. عرف اولادك قرايبك. عرفهم عشان يا اخي يطلع عندهم عزوة يا اخي. ويطلعوا يقدرُوا يوصلوا لرحمهم. عيني ولادك - [00:43:12](#)

على صلة الرحم. عشان يبروك انت لما تكبر يبروك انت لما تكبر مراتك. ما تمنعهاش من قرايبها. حرام عليك. ما تمنعهاش من قرايبها. عينها عشان تاخذ سواب صلة الرحم معها. ما دا جزء من صلة الرحم - [00:43:32](#)

ولو قطعت الرحم بينها وبين قرايبها قلت لها اقعدي في البيت وعملت هو هنا هتعمل راجل! انك انت تحرم مراتك من صلة رحمها! طب لو انت عملت كده شف عقوبة اثم - [00:43:45](#)

خطوة اروح مضايق عليك انت. ماشي عليها هي ان شاء الله لان هي مضطرة. لان هي مضطرة ومجبرة. الوقت يا اخواني احنا اتكلمنا النهاردة في صلة الرحم كان فيه مشاريع تانية وحاجات تانية مهمة جدا وقيمة جدا ولكن مشاريع صعبة. احيانا بعض العائلات الكبيرة بتجمع بعضها وتعمل اجتماع كل كذا شهر. الفقير الغني - [00:43:55](#)

يدي له الشاب اللي بيتجوز يساعدوه اللي عايز بيني اوضة في السطوح بينوها له. يبدأوا بقى يتكافلوا مع بعض بقى افكار جميلة قوي. ولكن عايزة ناس عايزة ناس يعني ايه يكون حد من كل - [00:44:15](#)

عيلة كبيرة كده يجري ويسعى ويربط الناس مع بعضها. ويحسس الاسرة الكبيرة دهيت بالتواصل بينها وبين بعضها. انا والله اتمنى يا جماعة لو اي حد من قرايبي والله العظيم قسما بالله لو اي حد من قرايبي اللي انا ما اعرفوش واللي انا مش عارف اوصل له. يعني كثير من اقرب قرايبي انا مش عارف اوصل له اصلا. مش عارف هجيب نمرته منين هوصل له ازاى؟ ما اعرفش هو فين حتى - [00:44:25](#)

لو حد من قرايبي يقدر يصلي يبقى جزاه الله كل خير. يقدر يسبب لي رقمه على القناة وانا اتصل به يبقى جزاه الله كل خير. اي حد من قرايبي من ناحية والدتي او ناحية - [00:44:45](#)

والدي يبقى جزاه الله كل خير. احنا الوقتي بفضل ومنة الله اللهم لك الحمد. اللهم لك الحمد. احنا خلصنا سلسلة فرسان العشر يا جماعة. خلصنا السلسلة دلوقتى الحمد لله اتكلمنا مع بعض عشر ليالي مع بعض. عشر ليالي ورا بعض بفضل ومنة الله سبحانه وتعالى. اتقابلنا. يعني الفكرة يعني الفكرة كان الواحد قلقان منها في الاول. هنعمل - [00:44:55](#)

فرسان العشر هنعمل سلسلة عشرة زي الحجة طب افرض يعني الموضوع برضو مش معهود اوي يعني ان ان ييجي الناس مش متعودة ان ده موسم. افرض الناس ما تفاعلتش ولكن - [00:45:15](#)

ربنا قدر ان من اول درس ايام لا تعوض اللي كان عن عشر ذي الحجة حصل تفاعل. الواحد ما كانش متوقع اصلا. تفاعل ما شاء الله لا قوة الا بالله. الواحد ما كانش متوقع ان - [00:45:25](#)

لما بتحمس على العمل الصالح بتتحمس للدرجة دي. ان الناس بتسخن للدرجة دي. ان الناس فيها الخير ده كله بس محتاجة اللي يشجعها. اللي يبصرها. اللي يجيب لها الاحاديث بتاعة الرسول وايات القرآن ويحطها قدامها. ويقول لها شوفي ربنا بيقول ايه. وشوفي السواب شكله ايه - [00:45:35](#)

اللهم لك الحمد يا جماعة اتكلمنا عن فرسان الزكر وعملنا مشروع خطير جدا ورقة الزكر. ورقة الزكر وقلنا الازكار اللي فيها. والسلسلة طبعا كلها على موقع قلت له والله يعني اللي عايز يجيبها على موقع الطريق الى الله - [00:45:51](#)

بازن الله ورقة الذكر وقلنا من ضمن الازكار لو تفتكروا سبحان الله والحمد لله ولا اله الا الله والله اكبر. ابن مسعود بيقول من من ظن بالمال ان ينفقه. معك ملايين ومش عايز تصرف - [00:46:03](#)

وعجز عن الليل ان يكابده. مش قادر يقوم الليل. وجبن عن العدو ان يجاهده. ومش قادر يجاهد. يعمل ايه من قول سبحان الله

والحمد لله ولا اله الا الله. والله اكبر. اتكلمنا عن كنوز الزكر. اتكلمنا في حلقة تانية عن كنوز الصيام عن فرسان الصيام. واتكلمنا ازاى
عن العبادة - [00:46:17](#)

الخطيرة العبادة العظيمة دي. العبادة الرهيبة اللي اليوم بتاعها بباعد وجهك سبعين خريف. عن النار بتقطع مسافة غيرك بيقطعها
سبعين سنة. في سبعين سنة في الطريق اللي ربنا تقطعها في يوم واحد بالصيام. غيرك ممكن يقعد بعبادات تانية يقعد سبعين سنة.
انت بعبادة الصيام تقطع المسافة دي كلها. في يوم واحد بس. امتنعت فيه عن الطعام والشراب والشهوة لاجل الله - [00:46:37](#)
اتكلمنا على ان الصيام بيخلي السحور بتاعك عبادة. ان الله وملائكته يصلون على المتسحرين. هنقطع يا جماعة. هنقطع عبادة الزكر.
مش هنقعد جلسات ضحى بعد كده ونسكت ربنا فيها الافكار الرهيبة دي اللي احنا قلنا عليها هنقطع عبادة الصيام؟ ما عدتتش
هتصومي اتنين وخميس! يا جماعة خلاص ان شاء الله بازن الله تلتاشر واربعتاشر وخمستاشر - [00:46:57](#)

جايين اهم تلتاشر واربعتاشر وخمستاشر والخميس والجمعة والسبت. بس الخميس حرام صيامه. لانه من ايام التشريق التلاتة اللي
حرام صيامها يبقى احنا الاسبوع ده ان شاء الله هنصوم جمعة وسبت - [00:47:17](#)

اربعتاشر وخمستاشر الجمعة الجاية والسبت اربعتاشر وخمستاشر وبعد كده نوصل ثاني اتنين وخميس بازن الله سبحانه وتعالى.
اتكلمنا عن فرسان القيام فرسان الاسحار لما سيدنا داود ربنا قال له يا داود ان لي عبادا احبهم ويحبونني. واشتاق اليهم ويشتاقون
الي. اتدري يا داوود - [00:47:27](#)

ان قلدتهم احببتك. ربنا بيكلم نبي. بيقول له قلدهم وانا احبك. ايه ده! ايه يا جماعة العبادة العظيمة دي! يا داوود ازا جاء الليل فرشوا
الي جباههم ونصبوا الي اقدمهم وناجوني بكلامي وتملقوا الي بانعامي. فهم بين سارق وشائك وبين - [00:47:47](#)
وباك اتدري يا داوود اعطيهم ثلثا. لو ان السماوات السبع والارضين السبع في ميزانهم يوم القيامة. لاستقلتها عليهم يا داوود اقذف
من نوري في وجوهم وقلوبهم فتستنير وجوهم وقلوبهم. اتدري يا داوود اقبل عليهم بوجهي - [00:48:07](#)

ارأيت يا داوود من اقبلت عليه بوجهي؟ ماذا اريد ان اعطيه؟ يا فرسان هنبطل قيام بعد عشر ذي الحجة هنبطل قيام احنا قلنا
المفروض ان شاء الله الساعة عشرة بالليل او حادش بالليل خلاص الحياة تقف عشان اللي عايز يصلي قبل الفجر. طيب اللي مش
قادر يصلي بعد العشاء بس يبقى ورد سابت يا جماعة. ما نضيعش العبادات دي بقى - [00:48:27](#)

السلسلة دي عملناها عشان يبقى عشر ذي الحجة بداية وليست موسم معدة عشان نبقي بداية يا جماعة كلمني عن فرسان الدعاء.
وقلنا يا جماعة ان زمان كان الواحد معتقد ان احنا محتاجين دعاء. والله العظيم انا غيرت رأيي - [00:48:47](#)

والله يا جماعة اللي انا اكتشفته ان احنا ما احنا محتاجين دعاء. احنا محتاجين دعاء ليل نهار يا جماعة. يا اخواني احنا كلنا مرضى.
وكلنا عندنا ممكن مشاكل وفيها مشاكل مادية ومشاكل في اجتماعية وقضايا هموم في الدين وعبادات مش قادرين عليها ومشاكل
في الآخرة وزنوب قديمة - [00:49:03](#)

وناس اعداء مترصدين لنا كلنا يا جماعة عندنا مشاكل. هنعيش ازاى من غير كلمة يا رب؟ وقلنا انك انت سبت الوتر كل ليلة قبل ما
تنام لما بتيجي في الركعة الثالثة ارفع ايدك بقى وكتر من الدعاء. يبقى لك وقت سابت. سابت تقول فيه يا رب. زائد ما بين الادان
والاقامة الدعاء لا يرد. لا يرد - [00:49:23](#)

زي دعاء الصائم حتى يفطر لا يرد لا يرد اول ما تسمع الاذان بيقول الله اكبر تجري على الجامع. تلحق تصلي السنة وتقعد تدعي ربنا
اتكلمنا عن فرسان القرآن. وقلنا انك انت كل حرف بعشر حسنات. انا كنت زمان - [00:49:43](#)

اقول يا جماعة هو القرآن كتاب. كل اللي فيه ان الحرف بعشر حسنات. واقعد اسخر من اللي بيقول الكلام ده. الوقتي والله يا جماعة
الواحد غير رأيه. انا دلوقتي بامسك المصحف اقول يا رب الكتاب ده - [00:49:56](#)

عشر حسنات لي عندك يا رب. وممكن لو انا خاشع في القراءة تضاعف لها يا رب. ايه الفضل المبين ده؟ ايه يا رب النعمة العظيمة دي
يا رب ايه يا رب - [00:50:06](#)

ايه يا رب النعمة الكريمة العظيمة منك دي يا رب؟ الواحد فرحان يا جماعة. فرحان ان دينا فيه كل الفضائل دي. فرحان بالكنوز دي.

زوجتي بتقول لي وانا جاي. انت كل ما تتكلم عن - [00:50:16](#)

عبادة يعني كأن العبادة دي اخطر شيه في الدنيا. اقول لها اعمل ايه؟ انا كأن واحد قدامه كنوز. كل كنز ما لوش مثيل على وجه

الارض. اما اجي اتكلم عن كنز الصيام - [00:50:26](#)

طب كنز الصلاة ما لهاش وسيم. طب كنز الصدقة ما لوش مزيل. طب كنز صلة الرحم ما لوش مثيل. نعمل ايه؟ كنوز ربنا اداها لنا. كنوز ربنا افاض بها علينا هنضيعها ها قيام الليل لازم ورد الصيام اتنين وخميس ان شاء الله او يوم في الاسبوع بازن الله ذكر الله في

جلسة الضحى - [00:50:36](#)

اول ما تكبيرة الاحرام اول ما التكبير في الاذان ييجي. ننزل عشان ندعي وعشان نصلي السنة ونلحق الصف الاول وتكبيرة الاحرام. ما ننساش يا جماعة هذه الكنوز اللي احنا كلنا عشنا فيها وتدبرنا فيها وعشنا معها عشر تيام. كانوا عشر تيام من الجنة والله يا جماعة.

الحمد لله والشكر لله. ان شاء الله بازن الله بازن الله هناكل بقلوة - [00:50:55](#)

يوم القيامة ان شاء الله بازن الله. لما نيجي نلاقي كل الحسنات دي يا بخت اللي صلوا واللي صاموا كل سنة وانتم طيبين. يا اللي

قمت الليل. مبروك يا اللي صمته. مبروك - [00:51:15](#)

الواحد ساعة يوم عرفة وعرفة يوم عرفة والمغرب بيقترب الواحد قلبه كان كان قلبه مرجوف ليه؟ مرجوب احسن يعني احسن اول ما الحمد لله يا رب. تسع تيام عينتين على الصائم يا رب. اللهم لك الحمد يا رب. تسع تيام في ميزان العبد ان شاء الله يا رب. بازن الله يا

رب القبول يا رب. من - [00:51:25](#)

فنهنيه ومن المحروم فنعزيه. يلا يا جماعة يلا موسم من المواسم الخطيرة جه وخلص بيقفل وبيودع المواسم ما بتخلصش وما بتنتهيش وكرم ربنا واسع وياما لسة المواسم جاية بازن الله نقوم بقى ونكمل بازن الله سبحانه وتعالى. اللهم تب علينا لنتوب -

[00:51:45](#)

اللهم تب علينا توبة ترضى بها عنا. اللهم اجعلنا ممن يصلون ارحامهم. اللهم يسر لنا صلة ارحامنا. اللهم يسر لنا صلة ارحامنا. اللهم اعنا على صلة ارحامنا. اللهم انا نتوسل اليك الا تجعلنا ممن يقطعون ارحامهم. اللهم اعنا. اللهم اعنا على صلة ارحامنا يا رب - [00:52:04](#)

اجعلنا ممن يصلون ما امرت به ان يوصل يا رب. ويخشونك ويخافون سوء الحساب. اجعلنا من واصلي الارحام يا رب يا رب اجعل

ممن يبيل الارحام ببللها يا رب يا رب يا رب اعني على القيام والصيام والذكر والشكر اعنا على ذكرك - [00:52:24](#)

اترك وحسن عبادتك برحمتك يا ارحم الراحمين. امين يا رب العالمين. اوعوا تنسوا العشر مكالمات الليلة بتوع صلة الارحام تخلص

الرصيد على صلة الرحم. يا رب يا رب يوفقنا كلنا ونعملهم. اقول قولي هذا واستغفر الله لي ولكم - [00:52:44](#)

سبحانك اللهم وبحمدك اشهد ان لا اله الا انت استغفرك واتوب اليك. كل سنة وانتم طيبين الله اكبر الله اكبر. لا اله الا الله - [00:53:04](#)